

le compagnie e hanno raxon, et il cavalier di la Volpe è molto alterato, e Melegro da Forlì volea licentia venir a Venecia dice non vol star cussi, domino Lucio Malvezo non à voluto li ducati 1000 dicendo è beffato e tien non esser con la Signoria poi non è pagato et esser in libertà *tamen* persevera in la fede fin el compia, et altri capi è mal contenti e voleno li soi danari, di le fantarie molte pisane e toscane sono partie per non haver auto da pagarle, conclude uno zorno harano l'arsalto e l'horo è disperati, le zente non si vorano mover, et perhò, *amore Dei*, si sveglij qualche patritio al ben di la terra, perchè in questo consiste la salvation dil stato nostro, poi quel Campo non ha governo et perhò si provedi. Il capitano di le fantarie aspeta di hora in hora zouzino li 1800 mandati a far in Romagna, e za ne è zonti da 40, et il capitano voria fosseno scriti *etc. Item*, di novo nulla sanno, le cosse vanno tacite, dubita harano uno zorno qualche mal.

*Di Cataro, di sier Pollo Vularesso, rector et proveditor.* Con alcune di li nove, il sumario scriverò poi qui di soto, e dil partir di li domino Gnagni dal Borgo per non haver danari con  $\frac{1}{2}$  di la compagnia, lasando il resto et le sue robe, si provedi.

Fo scritto, per Colegio, e data la commission a sier Piero Antonio Falier soracomito vadi in Dalmazia a compir de interzarsi, vengi poi verso Chioza a trovar il proveditor di l'armada, e non metti niun homo in terra fino non arà nostro mandato; e cussi fo scritto a sier Zuan Francesco Polani soracomito, è in Istria, che l'vegni verso Chioza, *ut supra*, con questo hordine, per mostrarsi de li via col proveditor di l'armada per segurar le barche di soldati dieno vegnir.

Fo electo, per Colegio, papa Fava fiol dil papa Antonio Serano episcopo di Cypro, qual presta ducati 9000 a la Signoria, *videlicet* 900 dil presente el resto manderà a la muda di le nave, a la restitution li sia dà da la camera di Cypri ogni anno ducati 70 fin sarà satisfato. Ave 24 balote over nulla contra.

129 Da poi disnar fo pregadi, et leto *solum* la lettera di proveditori di Campo la qual dete molto che dir al pregadi et si provedesse di danari.

Fo fato eletion di do proveditori a le raxon nuove justa la parte, et rimaseno sier Alvise Bragadin fo zudese di petizion *quondam* sier Andrea et sier Antonio Balbi el XL *quondam* sier Giacomo, il scurtinio over eletion è questa:

*Electi do provedadori a le raxon nuove, sora le exation de debitori, justa la parte.*

† Sier Alvise Bragadin, fo zudexe di petizion, <i>quondam</i> sier Andrea . . . . .	117
Sier Alvise Arimondo <i>quondam</i> sier Zorzi . . . . .	
Sier Anzolo Semitecolo, fo exator a le cazude, <i>quondam</i> sier Zuane . . . . .	
Sier Castelan Boldù, el XL, <i>quondam</i> sier Castelan . . . . .	
Sier Vincenzo Loredan, el XL, <i>quondam</i> sier Lunardo . . . . .	
Sier Marin Gradenigo, fo proveditor sora le camere, <i>quondam</i> sier Piero . . . . .	90
Sier Vetor Bragadin, fo exator a le cazude, <i>quondam</i> sier Pelègrin . . . . .	
Sier Piero Longo, fo zudexe di petizion, <i>quondam</i> sier Nicolò . . . . .	
Sier Alvise Contarini, fo patron al Zaffo, <i>quondam</i> sier Andrea . . . . .	
Sier Giacomo Antonio Tiepolo, fo avochato grando, <i>quondam</i> sier Matio . . . . .	
Sier Alvise Barbarigo, fo cao di XL, <i>quondam</i> sier Antonio . . . . .	70
Sier Francesco Viaro, el grando, <i>quondam</i> sier Luca . . . . .	
† Sier Antonio Balbi, fo cao di XL, <i>quondam</i> sier Giacomo . . . . .	101
Sier Piero Donado, <i>quondam</i> sier Tolomeo da San Pollo . . . . .	
Sier Zuan Badoer, el signor di note, <i>quondam</i> sier Andrea . . . . .	
Sier Piero Bembo, fo al dazio dil vin, <i>quondam</i> sier Nicolò . . . . .	
Sier Domenego Grimani, <i>quondam</i> sier Bernardo . . . . .	
Sier Francesco Mudazo, el grando, <i>quondam</i> sier Pollo . . . . .	

Fu posto per li savij, excepto sier Marco Bolani, sier Thomà Mozenigo procurator, sier Antonio Grimani, sier Sabastian Zustinian el cavalier, sier Nicolò Bernardo, una lettera a li proveditori in Campo, seriverli la cossa dil marchexe come fu in Colegio, per quanto scrisse esso proveditor Gritti al Consejo di X che francesi veniva a Mantoa per far provision, el qual voria venir in Campo *etc. Item*, fo mandà Lodovicò da Fermo suo secretario, con un corier nostro a Mantoa a saper la verità e parlar, dia tornar luni. El qual marchexe non à di darne cauzion si